

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 790 del 22/03/2023

Traduzione in mòcheno

Museum Pietra Viva, gschicht ont tròcht van a gamoa'schòft

Der president va de Autonome Provinz va Trea't Maurizio Fugatti ont der vicepresident Mario Tonina hom pasuacht en nomitto va de 17 van merz der museum Pietra Viva van Oachpèrg, derno van trèff va de Provinaljunta gamòcht en de vria en gamoa'haus van lònt van Bersntol. Zòmm sai' gaben de pirgermoastern van Oachpèrg Andrea Fontanari ont va Palai en Bersntol Franco Moar, zòmm pet zboa asesorn va de Gamoa' junta van Oachpèrg Mauro Paoli ont Marta Alberini.

De istituzionaln derstelltn sai' kemmen pfiart zbischn de sal van vourstea'ner van museum Filippo Broll, as durch de mineral gschicht ont s etnografische material as s ist derhòltn, tuat derzeiln de gschicht ont de tròchtn va de gamoa'schòft van Oachpèrg bail de leistn hundert jor.

Der museum Pietra Viva vinnt se en an storische umpau en Stefani dorf ont van Draisker jor van òchthundert finz en 1923 ist gaben der sitz va de Gamoa'. Iaz s umpau as drinn hòt der museum ist an architektonische pahalter derhòltn ont tschutzt va de Ouberregiar ver de kultural pahalter va de Provinz.

Ausbende ont an innbendegen sol sai' kemmen gamoln van an Albertini Pietro va Lavis, as s sai' de oa'zegen òrbetn as men boast as sai'. S umpau ist an bichtegen birtschòft-politik kraizbe gaben, kemmen kultural aa en 2008, s jor benn as s ist kemmen ausgarichtet s architektonische pahalter.

Runt bichte en museum Pietra Viva ist de kollezion van mineraln tschenkt van zbindln Pallaoro Lino ont Mario, ont òndra kollezionen tschenkt van privatn: a boteig van an tischler ont oa'na van an schuster. De innrichtn ont s etnografische material mòchen toal van pahalter van Museum. Ausbende ist kemmen austellt a kloa'na gruab bou as de kinder meing suachen de mineraln, a talel ver za suachen s golt ont de innrichtn u'gahenk en de mineral òrbet en bòlt.

En de zait sai' kemmen kaft mearer sòchen as hom raicher gamòcht kemmen de haup pahalter, finz en de jarder 2018/19 pet de internazional kollezion van mineraln (òrbet Edward Dukel) ont der personal malacologische arkif van Luciano Grosselli. Peada mòchen toal va bischòftviarn van 2020.

Letratdinst ont film gamòcht van Druckomt

<https://www.youtube.com/watch?v=GFoce6rk40g&t=4s>

https://www.youtube.com/watch?v=QAJxGCf_q80

<https://www.youtube.com/watch?v=PTxlBX9Z5oY>

Download pilder ont vrong do: <https://bit.ly/42o1PuY>

Ibersetz gamòcht van Sprochtirl va de Tolgamoa'schòft Hoa Valzegu' ont Bersntol

(cdt)